



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. In quo consistat libertas conscientiae, & in quo carnis.

urn:nbn:de:hbz:466:1-29452

58 CATECH. C. CLING.
CAPVT X V.
ARGVMENTA.

1. Unde dicatur libertas Christiana.
2. In quo consistat libertas conscientiae, & in quo carnis.
3. Quod hæc libertas nō liberat à tributo dominorum, nec à statutorum in Ecclesiæ obedientia ad Dei laudem ordinatorum.

 Hristiana libertas ideo sic dicitur, quia per Christi beneficium ad hanc vocati sumus: eius mors causa est huius libertatis. Vnde Ioan. 8. Si filius vos liberauerit, verè liberi eritis. Nam nullus imperator, Papa, rex, princeps, sacerdos, Episcopus, nullus Angelorum aut Prophetarum atq; hominum donare potuit hanc nobis libertatem, præter solū Christum nostrum redemptorem & liberatorem, ideo inquit Apostolus Gal. 5. Iam non estis serui, sed liberi, ad quam libertatem vocauit nos Christus. Igitur à beneficio Christi vocatur libertas Christiana.

2. Scriptura commemorat duplēm libertatem, conscientiae scilicet & carnis, & conscientiae inculcat, carnis autem prohibet.

Est autem libertas conscientiae quadruplex, & quantum gradibus compræhenditur. Primus est spirituialis: nam conscientiam liberat & pacificat in homine, quod Deus non propter legem, sed gratis propter Christum, ex misericordia donat remissionem, & imputat gratiam. Hoc sic definitum est à patre, quoniam propter Christū vult iustificare. Iustificati gratis &c. Act. 10. Huic omnes prophetę testimoniū &c. Et sic sumus à lege operū liberati, vt ibi non queramus iustificationem & salutē, sed à sanguine Christi, idq; gratis ex misericordia: non verò sic, vt opera non fi-

Quatuor
graduum
primus.

Rom. 3.

ant, sed ut non ibi iustitia ligetur, id est in lege operum, à qua liberati sumus. Valet igitur hæc libertas in certamine conscientiæ in iudicio, quæ maximè consolatur, sed carnales hanc non intelligunt. Est hæc libertas contrà maledictionem legis, ut Deut. 27. Maledictus homo &c.

Secundus gradus libertatis conscientiæ est, quia in Baptismo donatur Spiritus sanctus, qui nos liberat ac defendit à saevitia diaboli, ne nos, quantum velit, impugnet. Sic liberi sumus à dæmone ope Spiritus sancti, & de hac libertate loquitur Apostolus 2. Cor. 3. Vbi Spiritus Domini, ibi libertas: scilicet à diaboli tyrannide. Et, Christus Ioan. 14. inquiens, Non relinquam vos Orphanos. Iste duo gradus pertinent ad firmandam & consolandam conscientiam, & sunt potissimi in hoc mundo, nam liberant conscientiam ab angustijs: quandò non propter legem iustificant, sed gratis: Et liberant à tyrannide Diaboli.

Tertius gradus dicitur plena & perfecta libertas, quæ non potest haberi in hac vita, quæ erit ab omni vitio & cupiditate & molestia carnis, qua beati in patria gaudebunt. Rom. 8. Liberabitur creatura à servitute carnis, in libertatem gloriæ filiorum Dei. Quartus gradus est liberatio à servitute legalium, circuncisione, oblationibus, diebus festis, &c. de qua loquitur Apostolus Galat. 5. Si circuncidamini, Christus vobis nihil proderit, id est, ea intentione, ut vos circumcisio iustificet. Nam hoc Deus propter Christum facit, & Col 2. Quandò mortui estis ab elementis iuriis mundi, id est, legalibus, hostijs & cæremonijs, quid adhuc tanquam viuentes in mundo, illa obseruantis dicentes: Ne tetigeritis, scilicet immunda iuxta legem, neque gustaueritis iuxta legem cibum prohibitum, carnes suillas, &c. Nemo vos iudicet in cibo & potu, aut per dies festos. Et dicitur hæc Evangelica libertas, quoniam ab his liberat Fides in Christum,

Gradus
I I.

I I I.

I I I.

stum, quæ docet quod propter Christum iustifica-
mur, & non propter opera atque Ceremonias legis:
ademit illis Deus iustificationē, & transtulit in Chri-
stum, & nos ab illis liberauit. Sed libertas carnis sic
dicitur, quod homo velamen suæ nequitiae quærerit,
ut illud excuset, sicut carnales dicunt, Deus abroga-
uit legem, liber sum Christianus. Sed decalogus est
scriptus in lege, ergo non teneor ad opus aliquod vel
præceptum legis: sic furtum & adulterium non est
peccatum &c. Sic de cibo & potu atq; traditionibus
prælatorum Ecclesiæ loquuntur. Sed prohibet scri-
ptura hanc libertatem, inquiens, Vocati estis ad liber-
tatem, Gal. 5. & 1. Pet. 2. tanquam liberi &c. Illam li-
bertatem plerique iactant, quando sit minima inter
omnes gradus.

3. Quod libertas Christiana non sit, quæ libertatem
quærerit tributi, nemorum, aquarum, &c. aperte ex scri-
ptura habetur, Rom. 13. Cui tributum, tributum. Et
Christus soluit didrachma, Matt. 17. Sunt enim hæc
stipendia regentium. Et Deus prohibet furtum, Exo.
20. Ideò libertas Christiana, huc se non extendit, si-
cut abusi suæ rustici nostro tempore. Deinde non li-
berat nos libertas Christiana à traditionibus Eccle-
siæ, quæ in laudem Dei & bonum ordinem ordinatæ
sunt, sicuti iubet Apostolus omnia fieri secundum
ordinem, 1. Cor. 14. non liberat, inquit, ne seruentur,
sed quatenus hic iustificatio non requiratur: alioqui
in alium finem sunt seruandæ, sicut Apostolus præ-
dicator maximus libertatis Christi, iubet seruare tra-
ditiones, & in illis stare, 2. Thessal. 2. & Acto. 15. & 16.
præcipit ciuitatibus seruare decreta patrum, quia nō
sunt præter necessitatem violandæ: Et Petrus iubet
nos esse subiectos omni humanæ creaturæ propter
Deum, 1. Pet. 2. Ergo non tollit libertas Euangelica
tributum, neque statuta Ecclesiæ. Prædicatur liber-
tas traditionum, ne beneficium Christi transferatur
in tra-